

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK

Broj: _____

Bihać, _____

Na osnovu člana 140. Poslovnika o radu Gradskog vijeća (Službeni glasnik Grada Bihaća broj 3/16, 4/20), Vršilac dužnosti gradonačelnika, u svojstvu predlagača odluka i drugih akata

O d r e đ u j e

I z v j e s t i o c a mr. sci Alisu Mahmutagić, Pomoćnika gradonačelnika za opću upravu i društvene djelatnosti na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o pristupanju izradi Strategije za mlade za period 2023.-2028. godina.

Vršilac dužnosti gradonačelnika
Jasmina Čoralić

BOSNA I HERCEGOVINA
FEDERACIJA BOSNE I HERCEGOVINE
UNSKO- SANSKI KANTON
GRAD BIHAĆ
GRADONAČELNIK

Broj: _____
Bihać, _____

GRADSKO VIJEĆE

PREDMET: Prijedlog Odluke o pristupanju izradi
Strategije za mlade za period 2023. – 2028. godina

Na osnovu člana 52. tačka b) Statuta Grada Bihaća (Službeni glasnik Grada Bihaća br. 13/15, 13/18, 12/22) i člana 140. tačka d) Poslovnika o radu gradskog vijeća (Službeni glasnik Grada Bihaća br. 3/16, 4/20) u prilogu vam dostavljam Prijedlog Odluke o pristupanju izradi Strategije za mlade za period 2023.-2028. godina na razmatranje radi prihvatanja uz sljedeće obrazloženje:

PRAVNI OSNOV ZA DONOŠENJE ODLUKE

Pravni osnov za donošenje Odluke o pristupanju izradi strategije za mlade za period 2023. – 2028. godine sadržan je u članu 11. stav (2) Zakona o mladima Federacije Bosne i Hercegovine (Službene novine F BiH, broj 36/10) kojim je propisano da svi nivoi vlasti u Federaciji imaju obavezu definiranja, usvajanja i provođenja strategija prema mladima i članu 35. tačka c) Statuta Grada Bihaća kojim je propisano da Gradsko vijeće, u okviru samoupravnog djelokruga donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

RAZLOZI ZA DONOŠENJE

U skladu sa obavezama proizašlim iz Zakona o mladima Federacije Bosne i Hercegovine, svaki nivo vlasti u Federaciji ima obavezu definiranja, usvajanja i provođenja strategija prema mladima. Prema definiciji sadržanoj u odredbi člana 4. tačka 7. Zakona, „strategija prema

mladima jeste dokument institucija vlasti sa programskim pristupom djelovanja prema mladima, što uključuje definirane probleme i potrebe mladih, strateške pravce djelovanja, te ciljeve strategije i mjere za realizaciju ciljeva strategije“.

Grad Bihać trenutno nema važeću Strategiju za mlade, s obzirom da je istekao period važenja ranije utvrđene Strategije razvoja omladinske politike. Stoga se predloženom Odlukom predlaže pristupanje izradi Strategije za mlade za period 2023. - 2028. godine kao strateškog dokumenta i sredstva za efikasnije upravljanje politikom prema mladima na nivou Grada Bihaća, koja će na osnovu istraživanja o potrebama i problemima mladih sadržavati programe djelovanja prema mladima u pojedinim oblastima omladinskog sektora definiranim u članu 25. stav (3) Zakona.

Radi izrade Strategije za mlade Gradonačelnik će posebnim rješenjem imenovati koordinaciono tijelo i radnu grupu za izradu Strategije za mlade za period 2023. – 2028. godine. Podrška izradi strategije za mlade očekuje se i od UNDP-a kao partnera u realizaciji ReLOaD2 projekta.

Pored navedenog, Institut za razvoj mladih KULT objavio je Javni poziv za institucije vlasti za podršku u provođenju istraživanja za izradu Strategije za mlade, u kojem se navodi da će podržati odabrane institucije vlasti u izradi strateškog dokumenta za mlade (strategija prema mladima/omladinska politika). Jedan od uslova za prijavu na navedeni Javni poziv koji je otvoren do 01.02.2023. je i da je institucija vlasti donijela odluku o izradi strateškog dokumenta za mlade ili je u procesu njenog donošenja iz čega proizilazi još jedan razlog za donošenje predložene Odluke.

FINANSIJSKI EFEKTI

Donošenje ove Odluke izazvat će očekivane finansijske efekte u smislu utroška planiranih budžetskih sredstava za izradu strategije za mlade, iako neće utjecati na visinu već planiranih sredstava za ove namjene u Budžetu za 2023. godinu.

S obzirom na navedene razloge, smatram Prijedlog Odluke opravdanim i predlažem da Gradsko vijeće istu usvoji u predloženom tekstu.

Vršilac dužnosti gradonačelnika

Jasmina Ćoralić

Na osnovu člana 11. stav (2) Zakona o mladima Federacije Bosne i Hercegovine („Službene novine FBiH broj 36/10) i člana 35. tačka c) Statuta Grada Bihaća („Službeni glasnik Grada Bihaća, br. 13/15, 13/18, 12/22) Gradsko vijeće, na _____ sjednici održanoj adana _____ donosi

Odluku
o pristupanju izradi Strategije za mlade
za period 2023. – 2028. godina

Član 1.

Pristupa se izradi Strategije za mlade Grada Bihaća za period 2023. – 2028. godina.

Član 2.

Sredstva za izradu Strategije za mlade osigurana su u Budžetu Grada Bihaća za 2023. godinu.

Član 3.

Za potrebe izrade Strategije za mlade Gradonačelnik će posebnim Rješenjem imenovati koordinaciono tijelo i radnu grupu za izradu Strategije za mlade za period 2023. – 2028. godina.

Član 4.

Za realizaciju ove Odluke zadužuje se Služba za opću upravu i društvene djelatnosti.

Član 5.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Predsjedavajući Gradskim vijećem
Zulfikar Handukić

Broj: _____

Bihać: _____